

綫裝書局

高麗大藏經



韓國海印寺藏原本

高麗大藏經

綫裝書局影印

B 941
4
56

第五六册目次

諸經要集二十卷	唐道世譯		一
出三藏記集十五卷	梁僧祐撰		二八三
衆經目錄七卷	隋法經等撰		四三四
歷代三寶記十五卷	隋費長房錄		四七六
衆經目錄五卷	唐靜泰等撰		六一二
大唐內典錄十卷(一)	唐道宣撰		六五八

諸經要集序

甲

原夫法身一相瞻仰異客正教無偏
 說聽殊旨故師有等雨之況弟子有
 異聞之說良以隨機授與逐器淺深
 至如十二分教之大綱八萬法門之
 廣派龍宮西蕃未盡懋林之知象駕
 東馳豈窮手業之誨是以不遊大海
 未覩浹日之奇不仰太山靡覩千霄
 之狀得驪龍之珍乃驗魚目之非寶
 聽黃鍾之節方知擊缶之為細故知
 釋典幽宗聖凡所尚寔人天之秘寶
 越儒墨之希聲威振大千光起巨億
 益覃沙界功逾塵劫和濟之術其大
 矣哉但時緣未會感通有殊暨晨林
 變采霄夢啓微創開白馬之基漸被
 赤鳥之歲聖迹遐感年逾六百道俗
 蒙益等同一子慨正像陵移泐派末
 代凡情闇短器識昏迷日有澆醜教
 沉道喪所以尋章訛替教迹淪滑文
 句浩汗卒難尋覽故於顯慶年中讀
 一切經隨情逐要人堪行者善惡業

西明寺沙門釋道世集

報錄出一千三百三十勒成兩帙其
 道俗依行傳燈有據敬尋釋典深與
 非淺識之所知出俗幽微豈滯惑而
 能辯良由海大舟輕山高塵渺操刀
 易割製錦難成不揆庸識妄談祕典
 輒樹題目更增媿慙矣

三寶部 敬塔部 攝念部 入道部
 唄讚部 香燈部 受請部 受齋部
 破齋部 富貴部 貧賤部 獎導部
 報恩部 放生部 興福部 擇交部
 思慎部 六度部 業因部 欲蓋部
 四生部 受報部 十惡部 詐偽部
 惰慢部 酒寢部 占相部 地獄部
 送終部 雜要部
 諸經要集卷第一
 三寶部第一

敬佛篇第一 此列

普敬述意緣 念十方佛緣

念釋迦佛緣 念弥勒佛緣

念弥勒佛緣 念佛三昧緣

普敬述意緣第一

夫大聖有平等之相弟子有稱揚之德故十方諸佛同出於淤泥之濁三

諸經要集卷第一 第二 甲

身正覺俱坐於蓮臺之上隨念何相
 皆得利益所謂始從出家終成正覺
 於其中間道樹降魔鹿野說法相好
 圓滿光明炳著身色清淨事等錄金
 面貌端嚴猶如滿月齒同珂雪豈似
 光螺目譬青蓮眉方翠柳八音響亮
 萬相雍容五眼精明六通通颺懸河
 罵辯連注投機圓三點以成身具五
 分而為體帶權實以度物隨真應以
 化人或扇廣大之慈風灑滂沱之法
 雨能使身田被潤即吐無上之牙心
 樹旣榮便茂不凋之葉不來相而來
 不見相而見為衆生故隨緣應現十
 方十億並願歷侍三千大千俱得親
 承長種福田廣興供養吐邪倒之根
 拔貪嗔之本修念佛之因咸見佛之
 果矣

如寶性論云三寶有六義故須敬也
 一者希有義如世寶物貧窮之人所
 不能得三寶如是薄福衆生百千萬
 世不能值遇故名為寶二者難始義
 如世真寶體無瑕穢三寶如是隨難
 諸漏故名為寶三者勢力義如世珍

諸經要義卷第一 第四張 甲
寶除貧去毒有大勢力三寶如是具

不思議六神通力故說為寶四者莊嚴義如世珍寶能嚴身首令身姝好三寶如是能嚴行人清淨身故故說為寶五者最勝義如世珍寶辟諸物中勝三寶如是一切世中最為殊勝故名為寶六者不改義如世真金燒打磨練不能變改三寶如是不為世間八法所改故名為寶又具六意故須說也一佛能誨示法是良藥僧能傳通皆利益於我報恩故說二末代惡時傳法不易請威加護故須致說三為物生信稟承故說四示僧尼故事儀式故說五令樂供養法得久住故說六為表勝相故說成實論云三寶取吉祥故我經初置

念十方佛緣第二

如觀佛三昧經云昔過去久遠无量世時有佛出世號寶威德上王時有比丘與九弟子往詣佛塔禮拜佛像見一寶像嚴顯可觀禮已諦視說偈讚歎後時命終悉生東方寶威德上王佛國大蓮華中結跏趺坐忽然

化生

諸經要義卷第一 第五張 甲

從此已後恒得值佛於諸佛所淨修梵行得念佛三昧海得三昧已佛為授記於上方面各得成佛東方善德佛者則彼師是其九弟子者作九方佛謂東南方无優德佛南方旃檀德佛西南方寶施佛西方无量明佛西北方花德佛北方相德佛東方三乘行佛上方廣眾德佛下方明德佛如是十佛由因過去禮塔觀像一偈讚歎今於十方各得成佛又觀佛三昧經云昔過去久遠有佛出世號曰空王入涅槃後有四比丘共為同學習佛正法煩惱覆心不能堅持佛法寶藏多不善業當墮惡道空中有聲語比丘言空王如來雖復涅槃汝之所犯謂無救者汝等今可入塔觀像與佛在世時等無有異聞空聲已入塔觀像眉間毫相即作念言如來在世光明色身與此何異佛大人相願除我罪作是語已如太山崩五體投地懺悔諸罪由入佛塔觀像毫相懺悔因緣後八十億阿僧祇劫不墮惡道

諸經要義卷第一 第六張 甲

生生常見十方諸佛於諸佛所受持甚深念佛三昧得三昧已為十方佛現前授記今悉成佛東方有國名曰妙喜佛號阿閼即第一比丘是南方有國名曰歡喜佛號寶相即第二比丘是西方有國名曰極樂佛號無量壽即第三比丘是北方有國名蓮華莊嚴佛號微妙聲即第四比丘是以是因緣行者應當如是願觀佛也又迦葉經云昔過去久遠阿僧祇劫有佛出世號曰光明入涅槃後有一菩薩名大精進年始十六婆羅門種端正無比有一比丘於白氈上畫佛形像持與精進精進見像心大歡喜作如是言如來形像妙好乃今況復佛身願我未來亦得成就如是妙身言已思念我若在家此身正得即啟父母求哀出家父母答言我今年老唯汝一子汝若出家我等當死子白父母若不聽我者我從今日不飲不食不外床坐亦不言說作是誓已一日不食乃至六日父母知識八萬四千諸婁女等同時悲泣禮大精進尋

聽出家既得出家持像入山取草為座在畫像前結跏趺坐一心諦觀此畫像不異如來如來像者非覺非知一切諸法亦復如是無相離相體性空寂作是觀已經於日夜成就五通具足無量得無礙辯得普光三昧具大光明以淨天眼見於東方阿僧祇佛以淨天耳聞佛所說悉能聽受滿足七月以智為食一切諸天散花供養從山而出來至村落為人說法二萬眾生發菩提心無量阿僧祇人住於聲聞緣覺功德父母親眷皆住不退無上菩提佛告迦葉昔大精進今我身是由此觀像今得成佛若有人能學如此觀未來必當成無上道又觀佛三昧經云昔過去久遠有佛出世名釋迦牟尼減度之後有一王子名曰金幢憍慢邪見不信佛法有一比丘名定自在語王子言世有佛像眾寶嚴飾然為可愛可暫入塔觀佛形像王子即隨共入塔中見像相好白比丘言佛像端嚴猶尚如此況佛真身比丘告言汝今見像不能禮

者應當合掌稱南无佛是時王子即便合掌稱南无佛還宮繫念塔中像故即於後夜夢見佛像夢已歡喜捨離邪見歸依三寶由一入塔稱佛善根命終得值九百萬億那由他佛於諸佛所建得甚深念佛三昧得三昧故諸佛現前為其授記從是已來經於百萬阿僧祇劫不墮惡道乃至今日獲得甚深首楞嚴定昔王子者今是學念佛也又法華經偈云若人散亂心入於塔廟中一稱南无佛皆已成佛道

又譬喻經云昔有國王煞父自立有阿羅漢知此國王不久命終計其餘命不過七日若命終後必墮阿鼻地獄一劫受苦此阿羅漢專往化之勸教至心稱南无佛七日莫絕臨去重告慎莫忘此王便叉手一心稱說晝夜不廢至七日頭便即命終魂神趣向阿鼻地獄乘前念佛至地獄門知是地獄即便大聲稱南无佛獄中罪人聞稱佛聲皆共一時稱南无佛

地獄猛火即時化滅一切罪人皆得解脫出生人中後阿羅漢重為說法得須陀洹以是因緣稱佛名号所獲功德无量無邊不可為喻念釋迦佛緣第三

又觀佛三昧經云昔佛在世時佛為父王及諸大眾說觀佛三昧經佛有三十二相八十種好身真金色光明无量時座下有五百釋子以罪障故見佛色身猶如灰人羸婆羅門見已歸哭自拔頭毀舉身投地鼻中血出佛安慰曰汝勿歸哭吾為汝說過去有佛名毗婆尸入涅槃後於像法中有一長者名曰月德有五百弟子聰明多智無不貫練其父長者信敬三寶常為諸子說佛法義諸子邪見都無信心後時諸子同遇重病父到兒前泣淚合掌語諸子言汝等邪見不信佛法今無常刀切割汝身為何所怙有佛世尊名毗婆尸汝可稱名諸子聞已敬父言故稱南无佛復教稱法及稱僧名稱已命終由稱佛故生四天王天上壽盡以前邪見還墮地

獄卒羅刹以熱鐵又刺壞其眼受是苦時憶父教稱念佛因緣從地獄出來生人中貧窮下賤後或棄佛出亦得值遇但聞佛名不覩佛形後隨葉佛拘樓秦佛拘鄒舍佛迦葉佛亦皆聞名不見其形以聞如是六佛名故今得與我同生釋種我身端嚴如閻浮金汝見灰色羸婆羅門皆由前世邪見故今汝今可稱過去佛名并稱汝父亦稱我名及弥勒佛稱已作禮及向大衆大德衆僧五體投地發露懺悔邪見之罪諸人受教懺悔訖已見佛金色如須弥山見已白佛我今見佛三十二相八十種好無量光明作是語已得須陀洹求佛出家得阿羅漢三明六通具八解脫佛告比丘我滅度後若稱我名南無諸佛所獲福德無量無邊

又大悲經云佛告阿難汝觀如來在路行時能令大地高處令下下處令高高下諸處悉得平正如來過後地輒還復一切樹林傾側向佛樹神現身低頭禮拜如來過後樹輒還復一

切丘陵坑坎屏廁臭穢叢林瓦礫皆悉掃除平正清淨馨香芬烈衆華布地如來足履蹈上而過無情諸物尚皆傾側何況有情而不加敬何以故我本修行菩薩行時於一切人所無不傾側謙下禮敬以是善業得成佛已有情無情如來行時無不傾側低頭禮拜我本曾以清淨微妙稱意資產至心自手施諸衆生以是業報如來行時大地平正掃灑清淨又無瓦礫我於無量諸賢聖所在路行時曾與掃治道路泥治房舍我以平等心無高下掃治令淨於一切時常求菩提利益衆生以是善根若佛如來在在處處行來路首自然清淨地平如掌乃至須弥山王高八萬四千由旬在大海中亦深尔許及鐵圍山高十六萬八千由旬亦是金剛堅固佛涅槃時無不傾側低頭禮敬若欲遠避不傾側者亦無是處

又普曜經云由如來過去心淨離著不害衆生故所行之處脚足不汙虫蟻不損

又處處經云如來行時不著履有三因緣一使行者少欲二現足下輪相三令人見之歡喜佛行足去地四寸有三因緣一見地有虫蟻故二地有生草故三現神足故亦欲令人意正佛行地高下皆平有三因緣一本行四等心欲令一切安隱地在水上水中有神虫蟻一切值佛足下皆安隱同心立意是故卑者為高高者為卑二諸天鬼神行福為佛除地故高下為平三佛為菩薩時通利道徑橋梁度人故從是得福故高下平正欲令人意亦尔又智度論云世尊身好細薄皮相塵土不著身如蓮華葉不受塵水若菩薩在乾土山中經行土不著足隨嵐風來吹破土山令散為塵乃至一塵不著佛身若菩薩舉食著口中是時咽喉邊兩處流注甘露和合諸味是味清淨故名味中得上味又增一阿含經云無恭敬心於佛者當生龍地中以過去從中來今猶無敬多睡癡也

又四分律說偈云

有敬長老者 是人能護法 現世得名譽
將來生善道

念弥陀佛緣第四

問曰何名淨土答曰世界皎潔目之
為淨即淨所居名之為土故攝論云
所居之土無於五濁如頗梨柯等名
清淨土法華論云無煩惱眾生住處
名為淨土淨土不同有其四種一法
性土以真如為體故梁攝論云以蓮
華王為淨土所依譬法界真如為淨
土所依體故二實報土依攝論云以
二空為門三慧為出入路奢摩他毗
鉢舍那為乘以根本無分別智為用
此皆約報功德辯其出體三事淨土
謂上妙七寶是五塵色性聲香味觸
為其土相故攝論云佛周遍光明七
寶慶也又華嚴經云諸佛境界相中
種種間錯莊嚴故淨土論云備諸珍
寶性具足妙莊嚴又新翻大菩薩藏
經云假使如上世界乃至大火洞然
如來在中若依經行若住坐卧其處
自然八功德水出現於地四化淨土
謂佛所變七寶五塵為化土體故涅槃

瞻經云以佛神力地皆柔爽無有丘
墟土沙礫石乃至猶如西方無量壽
佛極樂世界等又大莊嚴論云由智
自在隨彼所欲能現水精瑠璃等清
淨世界又維摩經云佛以足指案地
現淨等事又十地經云隨諸眾生心
所樂見為示現故此諸經論所明並
約化為淨土由佛神力現故有攝故
即無故名化土

述曰上來雖土有四種然綱要有二
一報土二化土此二即攝理事二土
初報土者謂佛如來出世諸善體是
無漏非三界所攝故淨土論云觀彼
世界相勝過三界道又智度論云有
妙淨土出過三界然佛所居无憂為
慶過在十方世界或依法身而安淨
土故論云釋迦牟尼佛更有清淨世
界如阿弥陀國其弥陀佛亦有嚴淨
不嚴淨世界如釋迦佛又涅槃經云
我實不出閻浮提界又法華經偈云
常在靈鷲山及餘諸住處眾生見劫盡
大火所燒時我此土安隱天人常充滿
園林諸堂閣種種寶莊嚴

又華嚴經云如來淨土或在如來寶
冠或在耳瑠或在瓔珞或在衣文或
在毛孔如是毛孔既容世界故知十
住論云佛舉一步則過恒河沙等三
千世界其事如是化土慶者但所居
化土無別方慶但依報土而起慶相
或通十方或在當界引接三乘人天
等眾如弥陀世尊引此忍界凡小眾
生而安淨國或於微現淨如案地現
淨譬同天宮其事如是或於眾生共
相器世界間種子所感於中顯現淨
穢境界隨其六道各見不同此皆由
外名言熏習因識種成就感得器世
界影像相現此影像是本識相分由
共相種子與影像相彼現相識為因
緣即此共相由內報增上緣力感得
如此苦樂不同
又華嚴經云尔時心王菩薩摩訶薩
告諸菩薩言佛子此娑婆世界釋迦
牟尼佛刹一劫於安樂世界阿弥陀
佛刹為一日一夜安樂世界一劫於
聖眼幢世界金剛佛刹為一日一夜
聖眼幢世界一劫於不退轉音聲輪

諸經要集卷第一 第六經 甲

世界善樂光明清淨開敷佛刹為一日一夜不退轉音聲輪世界一劫於華垢世界法幢佛刹為一日一夜華垢世界一劫於善燈世界師子佛刹為一日一夜善燈世界一劫於善光明世界盧舍那嚴佛刹為一日一夜善光明世界一劫於起出世界法光明清淨開敷蓮華佛刹為一日一夜起出世界一劫於莊嚴慧世界一切光明佛刹為一日一夜莊嚴慧世界一劫於鏡光明世界覺月佛刹為一日一夜佛子如是次第乃至百萬阿僧祇世界最後世界一劫於勝蓮華世界賢首佛刹為一日一夜普賢菩薩等諸大菩薩充滿其中又優波提舍論偈云

諸經要集卷第一 第七經 甲

一純淨土唯在佛果二淨穢土謂淨多穢少即八地已上三淨穢等土謂從初地乃至七地四穢淨土謂穢多淨少即地前性地五雜穢土謂未入性地第五人見後一不見前四第四人見後二不見前三第三人見後三不見前二第二人見後四不見前一第一佛上下五土悉知悉見也又阿彌陀鼓音聲王陀羅尼經云今時世尊告諸比丘西方安樂世界今現有佛号阿彌陀若有四眾能正受持彼佛名号以此功德臨欲終時阿彌陀即與大眾往此人所令其得見見已尋生慶悅倍增功德以是因緣所生之處永離胞胎穢欲之形純處鮮妙寶蓮華中自然化生具六神通光明赫奕阿彌陀佛與聲聞俱如來應供正遍知其國号曰清泰聖王所住其城縱廣十千由旬於中充滿刹利之種阿彌陀佛父名月上轉輪聖王其母名曰殊勝妙顏子名月明奉事弟子名無垢稱智慧弟子名曰賢光神足精勤弟子名曰大化尔時魔

諸經要集卷第一 第十八經 甲

王名曰無勝有提婆達多名曰寂靜又无量壽經云佛告弥勒假使三千大千世界猛火為念阿彌陀佛名故要當於中直過未足為難又阿彌陀佛經云佛告諸比丘僧是阿闍世王太子及五百長者子却後無數劫皆當作佛如阿彌陀佛佛言是阿闍世王太子及五百長者子住菩薩道以來無央數劫皆各供養四百億佛已今復來供養我阿闍世王太子及五百長者子等皆前世迦葉佛時為我作弟子今皆復會是共相值也

念弥勒佛緣第五

如弥勒菩薩所問本願經云阿難曰佛言弥勒得法忍久遠乃尔何以不速逮無上正真之道成取正覺耶佛語阿難菩薩以四事法不取正覺何等為四一淨國土二護國土三淨一切四護一切是為四事弥勒本求佛時以是四事故不取佛佛語阿難我本求佛時亦有此四然弥勒發意先我之前三十二劫我於其後乃發道

諸經要集卷第一 第十九張 甲

意於此賢劫以大精進超越九劫得於無上正真之道致取正覺佛告阿難我以十事致取正覺何等為十一所有一切無可愛惜二妻妾三兒子四頭目五手足六國土七珍寶財物八髓腦九血肉十不惜身命我以十事疾得佛道

問曰凡夫道俗身居欲界行何善業得生同界兜率天報答曰如未曾有經云下品十善謂一念頃中品十善謂一食頃上品十善謂從旦至午於此時中心念十善止於十惡亦得往生故野干心念十善七日不食生兜率天又上生經云我滅度後四眾八部欲生第四天當於一日至第七日繫念彼天持佛禁戒思念十善行十善道以此功德迴向願生弥勒佛前隨念往生

言七日者亦從近說尚藏後天同況一生而不迴獲

又上生經云若有礼敬弥勒佛者除却百億劫生死之罪乃至來世龍華樹下亦得見佛又云我滅度後四眾八部聞名礼拜命終往生兜率天中若有男女犯諸禁戒造眾惡業聞是言

諸經要集卷第一 第二十張 甲

薩大悲名字五體投地誠心懺悔一切惡業速得清淨若有歸依弥勒菩薩當知是人得不退轉弥勒成佛見佛光明即得受記又上生經云佛滅度後若有精勤修諸功德威儀不缺掃塔塗地華香供養行諸三昧讀誦經典如是人等雖不斷結如得六通應當繫念念佛形像稱弥勒名若一念頃受八戒齋修諸淨業命終之時即得往生兜率天上蓮華臺中應時見佛白毫相光超越九十億劫生死之罪隨其宿緣為說妙法令得不退又增一經云眾生三業造惡臨終憶念如來功德者必離惡道趣得生天上正使極惡之人以念佛故亦得生天又大集經云若修慈者當捨身命時見十方佛手摩其頂蒙手觸故心安快樂尋得往生清淨佛土又普賢觀經云若有晝夜六時礼十方佛誦大乘經思第一義甚深空法於一彈指頃除百萬億那由他恒河沙劫生死之罪行此法者真是佛子從諸佛生十方諸佛及諸菩薩為其和上是名

諸經要集卷第一 第二十一張 甲

具足菩薩戒有不須羯磨自然成就應受一切人天供養又法華經云若有人受持讀誦正憶念解其義趣是人命終為千佛授手令不恐怖不墮惡道即往兜率天上弥勒菩薩所弥勒菩薩有三十二相大菩薩眾所共圍遶有百千萬億天女眷屬而於中生有如是等功德利益是故智者應當一心自書若使人書受持讀誦正憶念如說修行又智度論云若善男子能行是深般若波羅蜜者當知是人入道中來或兜率天來所以者何三惡道中罪苦多故不得行深般若欲界諸天著淨妙五欲是心則狂惑故不能行色界天等深著禪定味故不能行無色界天無形故故不能行以兜率天上常有一生補處菩薩彼中諸天常聞說般若五欲雖多法力勝故是故說二處勝若從他佛國來生此間斯則轉勝也又處胎經佛告弥勒偈云汝所三會人是吾先所化九十六億人受吾五戒者次是三歸人九十二億者

一稱南无佛皆得成佛道

諸經要集卷第一 第三十張

又處處經云佛言弥勒不来下有四因緣一有時福應彼間二是此間人處無能受經者三功德未滿四世間有能說經者故弥勒不下若當來下餘有五十億七千六十萬歲弥勒時人眼皆見四千里由本十種因緣德一不掩人眼明二不損人眼三不覆人眼四不蔽人善五不視煞六不視盜七不視姪八不視陰私及人短九諸惡事不視十然燈於佛寺又佛說弥勒來時經云佛言弥勒佛未出時閻浮利內地山樹草木皆焦盡於今閻浮利地周匝六十萬里弥勒出時閻浮利地東西長四十萬里南北廣三十二萬里地生五果四海之內無山陵嶺谷地平如砥樹木長大入少三毒民多聚落城名泥羅那夷有一婆羅門名須凡當為弥勒作父母名摩訶越題弥勒當為子相好具足身長十六丈生墮城地目徹視萬里內頭中目光照四千里弥勒得道為佛時於龍華樹下坐樹高三

十里廣亦四十里

諸經要集卷第一 第三十張 下 大威德經華嚴經如龍頭狀 從龍舌出故 名龍華樹也 已說華樹亦有別傳云云

用四月八日明星出時得道弥勒佛却後六十億殘六十萬歲始當來下

自外大同 成佛經說

王玄策西國行傳云 大唐顯慶二年

勅使王玄策等往西國送佛袈裟至泥婆羅國西南頗羅度來村東坎下有一水火池若將家火照之其水上即有火焰於水中出欲滅以水滅之其焰轉熾漢使等曾於中架一釜煮餅熟使問彼國王國王答使人云曾經以杖刺著一金匱令人挽出一挽一深相傳云此是弥勒佛當來成道天冠金火龍防守之此池火乃是龍火也

又智度論云弥勒菩薩為白衣時師名婆跋梨有三種相一眉間白毛相二舌覆面相三陰藏相如是等非是菩薩時亦皆有此相也又新婆沙論云曾聞尊者大迦葉波入王舍城取後乞食食已未久登雞足山山有三峯如仰雞足尊者入中結跏趺坐作

誠言曰願我此身并納鉢杖久住不壞乃至經於五十七俱胝六十百千

歲慈氏如來應正等覺出現世時施作佛事發此願已尋般涅槃時彼三峯便合成一掩蔽尊者儼然而住及慈氏佛出現世時將无量人天至此山上告諸眾曰汝等見是釋迦牟尼佛杜多功德弟子眾中第一大弟子迦葉波不舉眾咸曰我等欲見慈氏如來即以右手撫雞足山頂應時峯坼還為三分時迦葉波將納鉢杖從中而出上外虛空无量天人觀斯神變歎未曾有其心調柔慈氏世尊如應說法皆得見諦若無留化如此之事云何有耶有說有留化事問若尔世尊何故不留化身至涅槃後任持說法答所應作者已究竟故謂佛所應度皆已度訖所未度者聖弟子度之有說無留化事問若尔迦葉波事六何得有答諸信敬天神所任持故有說迦葉波尔時未般涅槃慈氏佛時方取滅度此不應理寧可說無不說彼默多時虛住如是說者有留化

事是故大迦葉波已入涅槃

惟凡夫力弱習惡來多以住娑婆其

心怯弱初學是法恐畏退敗常發大

願扶持此行乃至命終心無障礙隨

種善根願共含識自在往生弥勒內

衆得至佛前隨念修學證不退轉不

願往生於外衆中恐著五欲不得解

脫故智度論云有人修少福業聞有

福慶當願往生乃至命終各生其中

又大莊嚴論云佛國事大獨行功德

不能成就要須願力如牛雖力挽車

要須御者能有所至淨佛國土由願

引成以願力故福德增長不失不壞

常見佛故又如十住論云若人發心

求佛不休不息有人以指舉大千世

界在空却住不足為難若發願言我

當作佛是人希有何以故世人心劣

無大志故又發菩提心論有十大願

常悲修行

一者願我先世及以今身所種善根

施與一切衆生迴向佛道令我此願

念念增長世世所生終不忘失常為

陀羅尼之所守護

二者願我以此善根生處值佛常得

供養不生無佛國中

三者願我親近諸佛隨侍左右如影

隨形

四者願我既得親近為我說法成就

五通

五者願我通達世諦假名流布解第

一義得正法智

六者願我以無厭心為衆生說示教

利喜皆令開解

七者願我以佛神力遍至十方一切

世界供養諸佛聽受正法廣攝衆生

八者願我隨順清淨法輪一切衆生

聽我法者聞我名者即得捨離一切

煩惱

九者願我隨逐衆生將護與樂捨身

命時荷負正法除無利益

十者願我雖行正法心無所行亦無

不行為化衆生不捨正願

願我以此十大誓願遍衆生界攝受

一切恒沙諸願若衆生界有盡我願

亦不可盡廣度衆生无邊法界所修

善根皆悉迴向無上正覺生弥勒佛

前聞清淨法悟無生忍但行住坐卧

一生已來所修善根並共法界衆生

迴向弥勒佛前速成不退

自佛方許行

玄奘法師云西方道俗並作弥勒業

為同欲界其行易成大小乘師皆許

此法弥勒淨土忍凡鄙微修行難成

如舊經論十地已上菩薩隨分見報

佛淨土依新論意三地菩薩始可得

見報佛淨土豈容下品凡夫即得往

生此是別時之意未可為定所以西

方大乘許小乘不許故法師一生已

來常作弥勒業臨命終時發願上生

見弥勒佛請大衆同時說偈云

南无弥勒如來 應正等覺願與含識

速奉慈願

南无弥勒如來 所居內衆 願捨命已

必生其中

念佛三昧緣第六

惟凡夫倒想隨情妄執六賊交侵五

道旋轉業繩相係苦報難出所以大

聖慈愍衆機引接故舉淨土之妙圖

◇高麗大藏經◇

諸經要集卷第一 第三十

觀如來之勝相令翹注不懈欣心敬慕俯仰合觀隨心廣略庶令悟之善惡則隨心向背成之業種則見佛可期臨終喜躍隨念受生若不預修此福無常忽至周悼惶怖心路蒼茫淨業既空莫知投寄眼光失落依業受殃是故造罪造福雖復同營一種為身不如修善修善見佛造惡獲殃也故華嚴經偈云

寧受一切苦 得聞佛音聲 不受一切樂 而不聞佛名 所以無量劫 受此諸苦惱 流轉生死中 不聞佛名故

又無量壽經云佛告弥勒菩薩假使大千世界滿中猛火為聞阿弥陀佛名故要當於中直過未足為難

又觀佛三昧經云尔時弥勒菩薩白佛言世尊唯願世尊大慈大悲憐愍一切未來世中多有眾生造不善業佛不現在何所依怙得除罪咎佛告弥勒如來滅後多有眾生以不見佛作諸惡業如是人等當令觀像若觀像者與觀我身等無有異說是語時空中十方諸佛讚言善哉今正是時

諸經要集卷第一 第三十一

慎勿疑慮佛告弥勒如來今者為未來世五苦眾生犯禁比丘不善惡人五逆誹謗行十六種惡律儀者為如是等說除罪法尔時阿難白佛云何如來說除罪法

佛告阿難如我在世歸依我者名歸依佛名歸依法名歸依僧觀佛像者先入佛塔以好香泥及諸淨土塗地令淨隨其力能燒香散華供養佛像說已過惡禮懺悔如是伏心經一七日復至眾中塗掃僧地除諸冀穢向僧懺悔禮眾僧足復經七日如是供養心不疲厭若出家人應誦毗尼極令通利若在家人孝養父母恭敬師長調心令軟心若不軟當強折伏令心調順自住靜處燒眾名香禮釋迦文佛而作是言南無大德我大和上應正遍知大悲世尊願以慈聖覆護弟子作是語已五體投地泣淚像前從地而起齊整衣服結跏趺坐繫念一處隨前眾生繫心鼻端繫心額上繫心足指如是種種隨意繫念專置一處勿令馳散使心動搖心若動

卷五十六

一〇

諸經要集卷第一 第三十二

搖舉舌拄腭閉口開目叉手端坐一日至七日令身安隱身安隱已然後想像

若樂逆觀者從像足拍次第仰觀初觀足指繫心專緣佛足五拍經一七日閉目開目令其了了見金像拍次觀足兩趺上令了了見次觀膊已次第至髀從髀觀面若不明了復更懺悔倍自苦策以戒淨故見佛像面如真金鏡了了分明作是觀已觀眉間毫相如頗黎珠右旋婉轉此相見時見佛眉眼如天畫師之所畫作見是事已次觀頂光今分明了如是眾相名為逆觀

若樂順觀者從佛頂上諸妙墨文猶如黑然右旋婉轉次觀佛面觀佛面已具足觀身漸下至足如是往反凡十四遍諦觀一像極令了了觀一成已出定入定恒見立像在行者前見一了了復想二像已次想三像乃至想十皆令了了見十像已想一室內滿中佛像間无空缺滿一室已復更精進燒香散華掃塔塗地澡浴眾僧

供養師僧父母等已發大誓願我今觀佛以此功德不願人天聲聞緣覺正欲專求佛菩提道發願已至求大乘當行懺悔勸請諸佛隨喜迴向正身端坐繫念在前觀佛境界令漸廣大一僧坊中滿中佛像方身丈六足下蓮華圓光一尋及通身光及衆化佛并佛侍者光明衆色皆令了了一僧坊已復廣一頃百頃滿百由旬見一切像相好炳然此像成已想一間淨提滿中佛像餘三天下亦皆遍滿身心歡喜倍加精進頂戴恭敬十二部經般若波羅蜜前五體投地誠心懺悔念想成已閉目叉手端坐正受更作遠想滿十方界見一切像身純金色舉身毛孔皆放光明一一光明百億寶色一一色中无量雜色微妙境界悉自涌出此念想成名觀立像作是觀者除却六十億劫生死之罪亦名見佛於未來世值賢劫千佛為其和上於佛法中次第出家聞佛說法憶持不忘於星宿劫光明佛所現前授記廣心觀像尚得如是无量功

德況復繫念觀佛眉間白毫相光今時世尊復為衆生說坐像法想像令坐寶華衆像坐時大地自然出大白光如琉璃色白淨可愛衆白光間百億菩薩白如雪山想像毛孔出一菩薩身毛孔中出金色光其光大威照十方界皆作金色若有衆生觀像坐者除五百億劫生死之罪未來值遇賢劫千佛於星宿劫中值遇諸佛數滿十方一一佛所受持佛語身心安隱終不謬亂一一世尊現前授記過算數劫得成為佛今時世尊告阿難言若有衆生觀佛坐已當觀像行觀像行者見十方界滿中像行虛空及地見一一像從坐而起一一像起時五百億寶華一一華中有無數光一一光中無數化佛隨心想現一一化佛放金色光照行者身是時行者入定之時自見已身三十六物惡露不淨不淨現時當疾除滅此不淨觀從貪愛生虛偽不實用此觀為使諸不淨變為白玉自見已身如白玉瓶內外俱空作是觀時

宜服藥勿使身虛請諸行像以手摩頭放大光明照我已身是時行者自見已身如黃金色此想成已出定歡喜札訖諸佛脩諸功德迴向善提今時諸佛異口同音各各皆為行者說法雖未得道見佛聞法摠持不失此名凡夫念佛三昧得此三昧於剎那頃恒見諸佛所說大乘一日一夜即得通利一一諸佛皆說汝言汝念佛故過星宿劫得成為佛身相光明與我無異說是語已八十億佛一時放光光中无量化佛皆說是語佛告阿難此念佛三昧若成就者有五因緣何等為五一持戒不犯二不起邪見三不生憍慢四不患不壞五勇猛精進如救頭然行此五事正念諸佛令心不退當供養十方諸佛云何供養是人出定入塔見像誦持經時若礼一佛當作是念正遍知諸佛心智慧無礙我今礼一佛即礼一切佛若思惟一佛即見一切佛一一佛前有一行者接足為礼皆是已身若以一華供養佛時當作是念諸佛法身功德

諸經要集卷第一 第三四張 甲

无量不住不壞湛然常安我今以華
奉獻諸佛願佛受之作是念已復當
起想我所執華從草木生持此供養
可見擬想即當作念想身諸毛孔令
一毛孔出无数華雲無數香煙香雲
遍於十方界施作佛事還成金臺住
行者前若凡夫人欲供養者手擎香
鑪執華供養當發是願願此華香滿十
方界供養一切佛化佛并菩薩无数
聲聞衆受此香華雲以為光明臺廣
於无边界無邊無量作佛事二毛孔流
出幢幡无量音樂名衣上服百種飲
食諸雜供養並同前法
佛告阿難未來衆生其有得是念佛
三昧者當教是人安身口意莫起邪
見莫生貢高若起邪命及貢高法當
知此人是增上慢破滅佛法多使衆
生起不善心乱和合僧顯異惑衆是
惡魔伴如是惡人雖復念佛失甘露
味此人生處以貢高故身恒卑小生
下賤家貧窮諸衰元量惡業以為嚴
飾如此種種衆多惡事當自防護令
永不生

頌曰

諸經要集卷第一 第三十五張 甲

法身無像 至教無言 隨機應現
緣念流傳 愍茲沉溺 弘斯妙門
器識相感 實濟重昏 八功德水
七寶行樹 祥鳥遊池 清音流布
法鼓和鳴 休風引路 躬奉微言
仰規玄度 赫哉兜率 邀矣慈尊
光沉天廟 威振黎元 仙華颺颺
寶殿雲屯 薦之福祚 功洽梵唄
兼征彼寄 願言非負 既靜夢塵
還資情有 書之傳之 天長地久
文而或虧 指心何朽
諸經要集卷第一

癸卯歲高麗國大藏都監奉
勅彫造

諸經要集卷第二

甲

敬法篇第二此有

西明寺沙門釋道世集

敬僧篇第三此有

述意緣

說法緣

聽法緣

漸頓緣

求法緣

感福緣

報恩緣

謗法緣

述意緣第一

蓋聞寂滅不動是則無象無言感而
遂通所以有名有教是以一四之句
難聞三千之火易入庶使凝寒靜夜
朗月長宵獨處空閑吟誦經典吐納
宮商文字分明言味流美詞韻相屬
適衆人心利生物善足使幽靈欣躍
精神悅豫久習純熟文義洞曉敬心
殷誦至誠冥感信知受持一偈福利
弘深書寫一言功超累劫是以迦葉
頂受靡候剥皮薩陀心樂无辭灑血
此是甘露之初門入道之終德也
說法緣第二
夫法師升座先須禮訖三寶自淨其
心觀時擇人具慈悲意救生利物然

後為說故報恩經云聽者坐說者立不應為說若聽者求說者過不應為說若聽者依人不依法依字不依義依不了義經不依了義經依識不依智並不應為說何以故是人不能恭敬諸佛菩薩清淨法故若說尊重於法聽法之人亦生宗敬至心聽受不生輕慢是名清淨說

又五分律云除其貪心不自輕心不輕大眾心慈心喜心利益心不動心立此等心乃至宣說一四句偈令前人如實解者長夜安樂利益无量又涅槃經云若有受持讀誦書寫宣說非時非國不請而說輕心輕他自歎隨處而說反滅佛法乃至令無量人死墮地獄則是眾生惡知識也又十誦律云有五種人問法皆不應為說一試問二無疑問三不為悔所犯故問四不受語故問五詰難故問並不得答若前人實有好心不具前意為欲生善滅惡者法師隨機方便好心為說若自解未明或於法有疑者則不得為說恐令前人有錯傳之

失彼此得罪 又優婆塞戒經云佛言如法住者能自他利不如法住者則不得名自利利他如法住者有八智何等為八一法智二義智三時智四知足智五自他智六眾智七根智八上下智是人具足如是八智凡有所說具十六事一時說二至心說三次第說四和合說五隨義說六喜樂說七隨意說八不輕眾說九不訶眾說十如法說十一自他利說十二不散亂說十三合義說十四真正說十五說已不生憍慢十六說已不求來世報如是之人能從他聽

又正法念經云若有眾生正行善業為邪見人說一偈法令淨信佛命終生應聲天受種種樂從天還退墮業流轉若為財物故與人說法不以悲心利益眾生而取財物或用飲酒或與女人共飲共食如伎兒法自賣求財如是法施其果甚少生於天上作智慧鳥能說偈頌是則名曰下品法施也云何名為中品法施耶為名聞

故為勝他故為勝餘大法師故為人說法或以媚心為人說法如是法施得報亦少生於天中受中異報或生人中是則名曰中品法施也云何名為上品法施耶以清淨心為欲增長眾生智慧而為說法不為財利為令邪見眾生等住於正法如是法施自利利人無上眾勝乃至涅槃其福不盡是則名曰上品法施也

又迦葉經云時世尊而說偈曰三千大千界珍寶滿其中以此用布施所得功德少若說一偈法功德為甚多三界諸樂具盡持施一人不如一偈施功德為眾勝此功德勝彼能離諸苦惱若恒沙世界珍寶滿其中以施諸如來不如一法施施寶福雖多不及一法施一偈福尚勝況多難思議

又十住毗婆沙論云在家之人當行財施出家之人當行法施何以故在家法施不及出家人以聽受法者於在家人信心淺薄故又在家之人多有財物出家之人於諸經法讀誦通達為人解說在眾無畏非在家者之

諸經要集卷第二 第五張 甲 五

所能及又使聽者起恭敬心不及出家又欲說法降伏人心不及出家如偈說曰

先自修行法然後教餘人乃可作是言汝隨我所行身自行不善安能令彼善自不得寂滅何能令人寂

又出家之人若行財施則妨餘善遠離阿練若處必至聚落與白衣從事多有言說發起三毒於六度等心薄乃至貪著五欲捨戒還俗故名為死或能反戒易起重罪是名死等諸煩惱苦患以是因緣故於出家者稱歎法施於在家者稱歎財施

又金光明經云說法者有五種事一者法施彼我兼利財施不尔二者法施能令衆生出於三界財施者不出欲界三者法施利益法身財施之者長養色身四者法施增長無窮財施必有竭盡五者法施能斷無明財施唯伏貪心故知財施不及法也就法施中自有階漸若有所解不用他知恐他勝己秘而不說則自未來常不聞法

諸經要集卷第二 第六張 甲 六

又智度論云若懷惜法則常生邊地無佛法處由懷法故障他慧明此則不如責法他人反勝過此

又諸法勇王經六閻浮提中所有水陸空行衆生盡得人身若有一人教是諸人令其安住五戒十善所得功德不如有人教誨一人令得信行

又十住毗婆沙論云有四法能退失智慧菩薩所應遠離何等為四一不說法及說法者二於要法秘匿懷惜三樂法者為作障礙壞其聽心四憍慢自高卑人復有四法得其智慧應常修習何等為四一恭敬法及說法者二如所聞法及所讀誦為他人說其心清淨不求利養三知從多聞得智慧故勤求不息如救頭然四如所聞法受持不忘貴如說行不貴言說

聽法緣第三

夫欲聽法要須真心敬法重人至誠出離不希人天有為之法故阿含經佛說偈云

聽者端心如渴飲一心入於語義中

諸經要集卷第二 第七張 甲 七

聞法踊躍心悲喜如是之人可為說又優婆塞戒經云從他聽時具十六事一時聽二樂聽三至心聽四恭敬聽五不末過聽六不為論議聽七不為勝聽八聽時不輕說者九聽時不輕於法十聽時終不自輕十一聽時遠離五蓋十二聽時為受持讀誦十三聽時為除五欲十四聽時為具信心十五聽時為諸衆生十六聽時為斷聞根善男子具八智者能說能聽如是之人能自他利不具足者則不得名自利利他

又阿育王經云昔阿迦王使道人說法時以步障遮諸婦女使其聽法令時法師為諸婦女說法恒說施論戒論生天之論有一婦女分犯王法發幕向法師前問法師言如來大覺於菩提樹下覺諸法時覺悟施戒耶更悟餘法耶法師答言佛覺一切有漏法皆苦猶若鐵此苦因從習而生猶如毒樹修八正道以滅苦習是女人得聞此語獲得須陀洹道以刀繫頸往到王所而白王言我今日犯